

壽域彊於無筭也爾乃首攀璇極足躡紫都進  
參太陰退攝瑤樞煬熈雲裔縹蔭華芝肸薌宗  
公欽饗考祗重誥繁錫五鼎和旨割鮮鬱脂拖  
朱曳紫日以爲娛於是爲之頌曰於鑠東樓緜  
晦敦兮皇實其膺戩履殷兮匪歆之勛遏彼滛  
兮作對我我開嶙峋兮桑田之湫瀚局津兮采  
支雲葉永世欽兮

#### 四壽延祥賦

有紫微主人者抱真領炁居靜守默方闡化以  
無爲而布政於有截也於是水晶仙賓過而請

焉主人曰吾聞鴻龐之世品類區分體玄達道  
爰有至人賓苟得聞乎曰未也主人於是闢朱  
函啓金鑰攝瑤圖開畫閣揖仙賓於上座而頌  
陳其大畧也爰有丹青哲士繪事宗工托頌禱  
於有象盡物理之形容若曰靈椿結構如雲華  
芊鳳翼葺葺龍麟漆園春兮有永燕山老兮無  
垠介高堂之眉壽欽具慶之弘仁嘉義方之敦  
篤賢丹桂之繽紛載惟靈鶴其羽翯翯轉翻如  
輪圓頤宛若丹砂粒兮朱頂運氣輕兮碧落輟  
九臯之嘹唳昇雲霄以軒豁揚敷錫於九重聲